



筆記詩集傳

十五

413
887
12



門 4 13  
號 887  
卷 12

筆記詩集傳卷十五

頌四

劉勰曰：始之至，頌居其極。昔帝學之世，咸憲為頌，以歌九韶，自商以下，文理充備，風雅序人，事兼變正，頌主告神，義必純美，斯乃宗廟之正歌，非燕饗之常詠也。取疏云：太平德洽，始報神功，頌詩直述祭祀之狀，不得神力之方，但美其祭祀，是報德可知。此惟周頌耳。其商魯之頌，則異乎。是商頌雖是祭祀之歌，祭其先王之廟，述其生時之功，正死後頌德，非以成功告神，其體異乎周頌也。魯頌主詠僖公功德，終如變風之美者，又與周頌異也。鄭譜云：周頌者，周室成功，致太平德。

大  
花房仙文  
年二月  
氏寄贈



洽之詩其作在周公攝政成王即位之初孔疏云雅不言周  
頌言周者以別商魯陳氏曰別以尊卑之禮故魯頌以諸侯  
而後於周間以親疎之義故商頌以先代而後於魯有義云  
按頌有二義其本義則說文以為頌也其借音則通作誦  
者諷也背文曰諷以聲節之曰誦也美盛德之形容則說之  
義也告成功于神明則誦之義也或有問于愚曰魯列國耳  
何得有頌有頌是僭也商則先代矣而錄其頌何為必欲備  
三恪則何以不及虞夏乎曰此孔子之所曰私也以是為孔  
氏所刪之詩云爾蓋孔子初冊不出周詩雖公劉諸篇作于  
夏世關雎諸篇著在殷年而是周之先也孔子魯人也而其

先則殷之子也也吾而既刪詩矣則吾父母之國與吾先世  
之有天下者奈何使其詩闕而不錄泯而失傳故存魯頌之  
四千周後而又綴商頌之五千魯後是孔子之所以自著也  
主人習其讀而問其傳則知是刪之出于孔子也柳塘云按  
頌之義合先世功德歌而咏之以達于神使後世子孫愛而  
慕之故其詩中每有追述先烈啓後人之意然其詞直而不  
激實而不浮叙事而不比興乃王者之言又以為宗廟之事  
也狀周頌之詞近于正而婉魯頌之詞近于誇而浮商頌之  
詞近于簡潔而明肅其所以存魯與商者何耶曰魯為天子  
之宗國商為天子之先王其所以存之者亦為臣子之心也

○於穆清廟全章

李氏曰事神之道尚潔故曰清廟詩緝云種助祭之人曰顯相者謂其有顯著之德美稱也呂氏曰士虞禮祝詞曰孝子某孝顯相夙興夜處然則自主人之外餘皆顯相也又曰朝諸侯者特相成王以朝諸侯而已周公非自居南面而愛諸侯之朝率以祀文王者洛誥所謂王在新邑烝祭歲是也古義曰奔爾雅疏云大走也走說文云趨也鄭玄云行而張拱曰趨又劉熙云疾行曰趨疾趨曰走○疑問云肅雖雖分別敬訓和實是一物蓋在廟只是一箇敬而敬之從容合禮處即是和肅而不難勉強之敬也如據云肅雖即是文德兼文

德即兼此肅雖也顯相是尊而主筮獻者多士是卑而奉職事者對越有景仰昭事如將見之意駿奔走有周旋趨蹌如將弗及意然對越亦只于奔駭中見注駿訓大而疾大是從容而寬大疾是敏疾而不遲總是心之和敬為之不可分身心看以上見在廟之人皆體文王之德以奉文王之祭正是聖德在人心處不必重人心之誠上不顯二句是承上總言之德之昭明不昧曰顯人之恭敬奉持曰承無歎粘顯承句說是愈久而愈無厭歎意人字泛指天下之人說不專指在廟者但舉廟中以見天下也斯字不可畧過乃咏嘆之辭後語舊洛誥文蔡傳云歲云者歲奉之祭也呂氏曰按洛

浩云在十有二月唯周公誕保文武受命唯七年則是周公  
成洛邑而作此詩在十七年也劉氏曰書言烝祭文武而此  
樂歌止頌文王之德者父子並祭統於尊也古義引程大昌  
云凡瑟之絃練而朱之則其聲濁底竅洪疏則其聲遲用絲  
本以取聲而時貴其遲濁者正與元酒大羹薦味而棄味者  
同一意度故曰遺音遺味遺音即與上文之非極音非致味  
者相發相應也鄭氏釋遺為餘失其旨矣至於一唱三嘆則  
鄭謂三人從而嘆之其三人從旁嘆之者從於穆等語中以  
嗟嘆至于三人也通典注云乾豆脯羞之類孔疏云記每云  
升歌清廟文王之德莫重於清廟故為周頌之首古義云此  
詩因移之以地用蓋有五處焉錄按其一祭統大嘗禘其一  
文王世子天子釋奠養老其二仲尼燕居大饗及兩居相見  
其一明堂位以禘禮祀周公于太廟

○維天之命全章

卿孃云此非以天頌文而非文擬天言天命是提出文德之  
源頭末總是贊德之盛慶於穆不顯是贊詞只重不已純  
上亦帖云於穆不已猶言默運不窮也穆即是說不已者之  
深遠顯即是說不雜者之顯著說通云穆不已不顯純相足  
之詞非兩層○下節朱子曰假以溢戒當從在成作何以恤

飛  
年  
宋  
在  
師  
語

古義云我周公代成王自謂也鄭箋云自孫

柔不皆種曾孫。○卿嬖云。此承上文德之純來。首句提起下三句串看。假以溢。勿作疑詞。恤我不專。就祭祀時言。凡平日所啓發輔翼者。皆是收有。服膺弗失意。大順。有不安于小成。意。世。大順。便謂之篤。原非有加重意。

○維清緝熙全章

輔氏曰。典謂法度典章。說約云。始祀謂武王有天下。始祀文王以王禮之時。至今內。包成王意在禎者。吉之先見者也。以已狀信將然。卿嬖云。文王之典。皆闡文德之精。而脩王道之大者也。故自始祀文王之時。以至今。其間開國承家者。用之而成。永清。功業。繼體守成者。用之而成。日清之休。禎字根。有成來。

○烈文辟公全章

疑問云。烈文云者。有功烈。而又有文德之稱。一說卿嬖云。烈正贊其文也。古義云。祉爾雅疏云。繁多之福也。保者抱持。勿失之義。卿嬖云。烈文字輕。祉福說得廣。即撫成業。致感治。非徒富貴也。祉福就王者一身言。下二句是祉福衍于無窮。四句緊相連說。疏義云。儀禮賓三獻尸之後。主人酌酒獻賓。歌烈文。其在此時。與○無封節。卿嬖云。上二句舉而美之。見本當優禮。用以引起下文耳。古義云。序通作叙。說文云。次第也。序。維世。以叙相及。故曰維序也。一說卿嬖云。序者。以位相

傳之謂聖之只統緒相傳永享爵土便是益大非加地進爵  
之說錫福報功俱以子孫為極故自其極處言也○無競節  
錢按人字以人道言說見抑篇卿壞云此又款以道德下將  
先王感人者來做箇徵驗正見不可不修也只重無競不顯  
上四方訓正見其強百刑辟正見其顯與大雅重感人者不  
同疏義云四方訓之其化行也百辟刑之其法著也說約云  
前王即廟中所見不忘前王即廟中之人就現前喚醒極佳  
中庸章句云不顯猶言豈不顯也此借引以為幽深玄遠之  
意

○天作高山全章

卿壞云高山也曰天作是天有意以俟古王以荒之不但作  
屏俯乎瀕兼君民授田看作字即指荒字說康之以治岐之  
政言如惠鮮懷保輯寧修和之類彼祖矣二句重太王啓文  
王以安岐土子孫保之有修德行政以保之意輔氏曰祖先  
所以經理其始計安其後者既已甚艱勤矣則子孫固宜世  
世保守之而不失也詩緝云成切告神明之頌多言子孫當  
保守之意蓋子孫能保守則可以慰祖宗之心矣

○昊天有成命全章

卿壞云成命一定無改移之意受之本德說不敢康者兢  
業也恐墜此命也二句一串說下不可把存心積德字看其

存心即是積德也。夙夜是工夫，無有間斷者，察乃工夫，用到極至而德已成矣。宥是德之宏濶，不淺陋處，密是德之靜密，不疎漏處。緝熙是繼續先業而能增光之意，盡心如顯文，謨揚武烈，皆是此二句本上修德保命而嘆美其能守業而能盡心也。靖則禮陶樂淑，無異文武之威和永清也。一說亦帖云：肆其靖之，斷主成王時說。徐士彰曰：靖之事，有休養安輯之意，蓋文武開創，方共天下，以更始而未及共天下以休息成王之靖，所以終文武之功也。說約云：集傳能保其所受之命，亦即謂成王緊甚。○國語出周語，叔向許亮晉大夫羊舌肸也。舊注云：烈威也，言能明其文使之昭，定其武使之威也。

○我將我享全章

疏義云：奉而進之曰將，奠而獻之曰享。欽按注右尊也，是會意解耳。蓋廟祭尸主皆東向，主在尸北，尸在主南而享祭祭天不立尸，故配位亦無尸，但皆設主而饌在主前，故曰主饌之右為神生也。鄉饗云：維羊維牛，要見禮儀具備，共圜丘不同意，其字冀望之詞。此宗祀文王於明堂，以配上帝，孝經文古義云：其曰宗祀者何也？程子謂以宗廟之禮享之，朱子亦謂祭于屋下而以神祇祭之，此其義也。○儀式節，疑問云：儀式二字宜稍讀，鄉饗云：上二句就尸狀說，見感格有素意，則謂祭之為義，矩矱矜之為式，顧畏持之為刑，墨言儀式刑見



無上法。文王典，即禮樂刑政。日靖謂無時不法。文王然典節，所以日靖，不作兩層。伊嘏句輕，祭時稱之，詞以典貽後人，即是以治安之福貽者。右享之者，居常之志氣流通，故臨祭而感格也。劉氏曰：文王此天帝為親，以親望之，故知文王之必享我祭，而以既字言之。○我其節，鄭箋云：于於時是也。一說古義云：時字正與夙夜字相應。鄭箋云：二句一順下。感字只是日鑒可畏，意畏威以平日敬天，無時不然。說保者守而勿失也。須知夙夜畏威，只是常存此念，常法文典，以靖四方耳。保之，亦不敢恃為可保，是心思想如此。後語：萬物報乎天二句，郊特牲文。古義引羅泌云：郊一明

堂六尊祖而親考也。朱子云：凡說上帝者，總昊天上帝與五帝言之，皆稱上帝也。按月令，季秋大享帝，蓋以兼昊天上帝與五帝而祭之，故曰大享。又云：明堂為祭祀之所，自上古而己，狀矣。惟室祀文王，以配上帝之禮，昉於周公。

○時邁其邦首二節

通解云：今考武王在位，方及五年，蓋此時雖武王通守作而後，王巡守因而皆用。故朱子又舉周家一代之典，見於周禮。秋官大行人者，如此耳。周禮注云：殷猶衆也。蔡氏曰：五岳四瀆之屬，望而祭之，故曰望。○卿爨云：時邁其邦，言棄于戈甫。時周行方岳，以奉巡守之典也。子之以命為神人之主。

執序者錢氏曰謂以周繼夏節也。鄭燮云右序句輕只喚起下意右以尊臨臣民言序以承受曆數言實字貫下震之猶未是廢讓點涉只是朝會舉而示以更始之意古義云懷者招來使就己之義柔者和順不相拂之義曹氏曰祭法云有天下者祭百神諸侯在其地則祭之。鄭燮云懷柔指祭告言然及字中則有神為我懷為我柔意矣百神該得廣河岳時舉其大者末句總承說正與實右序相對天言則為子對神言則為后。

○明昭有周節

古義云式發謠聲我代為武王自我也求者講求之義美德

即文德凡可舉綏大平者皆是時通作是。○鄭燮云此與上一時事正就政教所及言明昭只掃除穢濁而天下清明意式序在位是以政肅天下君道也載貳四句是以教化天下師道也修其政是體上天福善禍淫之心修其教是體上天好生惡殺之心故能保天命輔氏曰懿德文德也此與諸侯相期以文德治乎諸夏而無或相尋於干戈弓矢之中也所謂偃修武文者是也。○古義引鄭云樂歌大者稱夏肆于時夏言武王修文之意陳于是夏而歌之也。

後語 春秋傳出在宣公十二年楚子詰外傳前引者周詩祭公謀父語後引者魯語叔孫穆子語鄭氏曰以鐘鐃播

其鼓聲應之所謂金奏也。九夏三日出周禮鍾師職。呂叔玉說亦見彼注。顏氏曰三夏之外又有所謂玉夏。章夏。齊夏。族夏。祗夏。鵞夏。是總為九夏之名。鄭氏曰九夏疑皆詩篇名。頌之類也。載在樂章。樂崩而後而已。是以頌不能具。

○執競武王首二節

古義云烈本火猛之義。功之光且盛者亦以烈名之。通解云上二句有是心則有是功。下二句有是德則有是命。卿嬖云執競乃平日作聖工夫。非有心于建功也。說約云康王名釗。成王子。古義云自彼者追數昔之辭。奄說文云覆也。大有餘也。疏義云此舉指言其不顯之實也。卿嬖云奄有四方重在德之無遠弗届上。故下緊接介。其明句明著固全由心體上。一私不繫而就君臨四方上說。便帶言禮樂文章經綸潤色等意。

鐘鼓嗶々二節

卿嬖云鐘鼓節言樂具而獲福重在叩德之盛。足以裕後上。○降福節李氏曰既醉既飽。蓋祭終而飲福耳。古義云福祿者廣言之。凡諸福之物皆是。卿嬖云此言禮謹而獲福。簡承讓之說。反々只是禮行既久。益自謹重也。及者福而又福之謂。即錫無競奄有之慶。于不替也。

後說說約云昭王名瑕。康王子。

○思文后稷全章

古義云思文郊祀后稷以配天之樂歌出申培說真氏曰聖人感德溢于中而光輝發于外如威儀之中度詰言之當理皆文也古義云立我烝民二句正克配之實曹氏曰天地能生之而不能養之苟不得其養則亦弗克遂其生矣惟后稷能以粒食養人故其德足以配天卿爨云稷播百穀奉來牟者月令麥為首種舉首以槩其餘也邵二泉曰來牟與天地俱生至稷而後識之以為粒食之輔故曰貽我來牟帝命率育帖卿爨云率字與蒸字應一說叔勉曰此二句當重率育意蓋舊穀既沒新穀未升之際民非來牟無以續食便有生

養不徧處故來牟乃帝命之美利而自稷始貽之帖李氏曰思文之詩推美后稷乃以陳常於時夏言者蓋無常產而有常心者惟士為能若民則無常產因無常心放僻而侈無不為也

後語 呂氏曰國語以此為周文公之頌是此篇亦周公所作濮氏曰此郊祀獻后稷之樂歌祭天宜有詩而今亡矣決不可以昊天有成命當之黃氏曰生民為述事之辭思文為告神之辭此雅頌之所以異也詩

○思文之什四之二

○嗟嗟思文全章

鄉媛云臣工如鄉遂之司農司稼都鄙之田畷田正是也敬  
於在公猶云昭共乃職是也釐爾成就方賜時言成法農法  
也如下節所云皆是皆是稟受而行遵其科條如是量度而  
行盡其意義總是悉心遵行正敬爾在公之事也○劉氏曰  
呂覽即呂氏春秋月令亦呂氏春秋十二紀之首也輔氏曰  
保介助王耕籍田者介有副意故以為農官之副曹氏曰凡  
田一歲曰菑初及草也二歲曰新田始為田也三歲曰畲乃  
成熟也錢解毛傳說云錢鉞古田器王貞農書云錢耨器  
也非鋤屬也乃鏟之別名耳柄長二尺刃廣二寸以剗地除  
草毛傳云鏟耨也釋名云鏟鋤類也鏟迫也迫地去草也農

書云耨別名也呂氏春秋云耨柄尺此其度也其耨六寸以  
間稼也入苗間也說文云鉏立耨所用也集韻作鋤鄉媛云此正  
所謂成法也首句提起之詞維暮之句最重是以己至之時  
戒之保介即在臣工內詩緝云亦又何求曹氏曰言不可捨  
農事而他求也鄉媛云暮春言時之可為新畬正其所當為  
者舉此以例其餘也如何云者言不知其果治否也有力盡  
人事之意於皇四句言麥既熟穀又將熟見得不可不及時  
相勸以承天賜也非歆之以效亦非以來年為百穀之占也  
命我衆人乃農官命之也銜艾言用銜以艾也奄字宜玩言  
總束作便西成須兼時以盡人事也○輔氏曰命他官皆無

詩而特命農官則有詩者想是周人以農事開國故成王周公特作詩以戒飭之以重其事也疏義云臣工噫嘻非祭祀樂歌而入於頌蓋頌體也抑豈祈年祈穀之時即其地以戒農官歟

○噫嘻成王全章

孟子云方里而井古義云匠人九夫為井井間有溝自井地言之也遂人十夫有溝兼溝渰言之也又云百夫有洫十夫有澮萬夫有川鄭箋云萬夫之地方三十三里小半里即疏是三方古義云亦版爾耕者言使之皆從事於耕也胡氏曰十千維耦者蓋萬夫合耦而耕實五千耦耳○鄭箋云此詩

見成王字疑作康王時昭格爾言成王言明訓汝矣就戒命說不粘上成法說率時以下一氣不斷十千所耕即發此三十里之私也蓋三十里即一川之田十千即一川之衆耕一川之田非地自地人自人也顧隣初曰言播即先耕故云駿發爾私終三十里必野無曠土方播無遺種也言耕須率衆故云亦服爾耕十千維耦必人無遺力方地無曠土也狀此兩句不必作兩平

○振鷺千飛全章

古義云雖王氏曰辟雖也辟雖有水鷺所集也朱氏云先儒多謂辟雖在西郊故曰西雖王應麟云即放血之水其學即

所謂澤官也。亦疏。客者。敵主之言。克代之後。時王偏所尊。敬。特謂之客也。一說古義云。止息也。在傳。皇武子曰。宋先代之後也。於周為客。天子有事。膳焉。有喪。拜焉。疏義云。天子祭廟。則歸之膳。杞宋未弔。喪則拜以謝。卿嬖云。振營二句。不是興體。乃即物以象之。西雖輕。客以動容說。就祭時見。斯客指。驚說。要根德上來。見忠質之遺風。可望而知也。○卿嬖云。無惡親之為君。無歎尊之為客。皆已狀事。夙夜者。循環無窮之意。庶幾是幸。其已譽。非冀其將譽。蓋因他得人心上。幸他能保譽耳。亦要其德之所自致。終見美意。劉氏曰。所引陳說。在彼無惡之意。與上文傳意微異。故朱子初解舊本。於此說之。亦有亦通二字。○說約云。朱子曰。看此文意。都無告神之語。恐是獻助祭之臣。然但言助祭亦泛。恐是二王之後。來助祭而獻之詩也。

○豐年多黍全章

古義云。稔有粘者。有不粘者。今者以粘者為糯。不粘者為粳。或作粳。然在古。則通得稻稔之名。李氏曰。豐年之時。或高。或下。無所不熟。億。稔。解。毛傳。古義云。定本集注。又謂數億至萬。曰。秋。黃。公。紹。云。十萬為億。古數也。秦時改制。始以萬為億。○卿嬖云。豐年三句。一順說下。豐年。即于多黍三句見之。黍稷二者。以見其餘耳。高廩二句。正多黍意。不必就黍稷說。

萬億及秬以廩之教書此通天下而君非專指公家言也祖  
妣家祀也百禮者本文以治在下面則所謂百禮即是灌將  
妥侑求禮獻尸之類降福就方社田祖說疑問云降福孔皆  
言大家受福而無異同也或曰民間之禮與上之人不同祭  
祀安有百禮是飲食祭祀之外有冠有婚有喪有吊有問而  
一一能周辨是謂以治百禮○田祖見甫田方社見雲漢杜  
氏通典云漢舊儀春始耕于籍田官祀先農以一太牢注云  
先農神農也欽按先農猶言先嗇周禮注云始教造田謂之  
田祖先見稼穡謂先嗇神其農業謂之神農名殊而實同也  
欽按此田祖先農並舉蓋謂不必存其名只呼為田祖之神

先農之神從時人所稱耳

○有瞽有瞽全章

鄭箋云王者治定制禮功成作樂合者大合諸樂而奏之按  
就古疏義云庭廟庭也朱子曰祖通言先祖柳塘引張壯來  
客言曰有瞽句只是提綱之說在周之庭不可忽要見此時先祖  
在上衆客在傍神聽人觀正在此庭上始作之會倘不備不  
和何以為一代完音而先祖聞之亦為之不協以此說方見  
是始作合祖○孔疏云既有屬之小技又有田之大鼓其鼓  
縣之虛業為縣鼓也一說說約云按周鼓皆縣則田既大鼓  
不必言矣應為小鞀與之共否固不能辨矣鄭箋云鞀小鼓



在大鼓旁應鞞之屬也。鞞轉字誤變而作田。古義云此縣鼓  
乃路鼓。周禮鼓人職云以路鼓。鬼享此祭宗廟故知為路  
鼓也。明堂位云夏后氏足鼓云。注云足謂四足。楹謂之柱  
貫中上出也。祝說約云有稚連底句。桐之句。令左右擊句。守  
彙云。桐引也。動也。釋樂云。所以鼓祝謂之止。所以鼓鼓謂之  
筮。真音古義云。奏者動作之義。娵嫫云。此言備器而奏音。虞上  
有業。上有崇牙。樹以彩羽。絃是一器。而盡制畫飾。懸鼓。周  
制此已變。夏商極足之制矣。鞞以節樂。磬以收樂。祝以起樂。  
圍以止樂。既備指上六者言。古義云。簫管之樂。俱在堂下。備  
舉而作之。則堂下之器。無或遺者矣。或言奏。或言舉。互相備  
也。娵嫫云。無不備。舉作之。此即序大合諸樂之意。○末節。娵  
嫫云。此乃永嘆其所奏。舉者極其美盛也。嗶。二句一順說。  
肅。誰和鳴。正是嗶。而和鳴。即肅誰也。先祖是聽。根上二句  
末。要本功德說。功成作樂。足慰其靈也。我客觀成。則樂之美  
可知。朱氏曰。樂聲嗶。而和鳴。先祖是聽。幽有以感乎神也。  
我客戾止。永歡厥成。明有以感乎人也。

○猗興漆沮全章 潛

詩緝云。潛。王氏以為潛藏之潛。言取之深也。鄧元錫云。茶而  
滲之。薄圍而取之。是盡物之心也。非至心也。鱸鮪解見碩人  
篇。鮪訓亞。又作儵。儵魚食之。口曼。爾雅鮪黑鮪。郭注

云即白儵魚江東呼為鱮埤雅云鱮魚形狹而長若條狀故  
曰鱮也今江淮之間謂之鱮魚又作鱮性浮似鱸而白而雅翼  
云今人謂鱮為參魚參音近於參素感切或以其伏參中得名  
耶又謂其魚為內條魚李時珍曰鱮生江湖中小魚也長僅  
數寸形狹而偏狀如柳葉鱗細而整潔白可愛性好群游首  
母曰鱮浮陽之魚也最宜作鮓鮓按崔禹錫食經云年魚貌  
似鱮而小有白皮無鱗春生夏長秋衰冬死故名年魚也此  
說得形性甚分明楊氏漢語抄又名銀口魚亦名細鱗魚  
閑書所載溪鱮蓋示此魚也但未審其果與鱮魚同否鱮黃  
魚也鱮鱖屬也慎見魚鱗篇鄭箋云天子必親往漁明漁非  
常事重之也此時魚潔矣說通云此是常祭之外別舉此祭  
如漢人原廟薦新之意亦帖云廟祭神道也薦人道也應氏  
曰嘗者試而驗之也將薦於所尊故不敢輕也輔氏曰季春  
薦鱮乃序說也孤疏云冬則衆魚皆可薦春惟獻鱮而已通  
解云此雖一詩而用決非一時而兩祭○卿爨云漆泚只以  
產物之所言是喚起語宜輕重在積柴養魚上有鱮二句正  
言其多景福後說彭氏曰子孫之祭其先祖九列之美味莫  
不畢備然其歌樂必言其所興之地取其所產之物而薦之  
者以示不忘本之意抑亦思其所嗜之意

○有來雖首二節



古義云有者非一也。詩指下文辟公言一說止。語辭。卿嬖云有來至止。勿分在途。在廟。只言諸侯之來。雖和順從容。肅之恭敬齊莊。穆至和無迹。至敬無文。有一段淵然默然。通于神明。須得由內而見。平外意。重雖肅穆。上不重天子。諸侯亦帖云。來雖至肅。互言以見和敬之兼盡。輔氏曰。不和則有勉強之心。不敬則有怠惰之意。一說。徐士彰曰。此詩是武王既得天下。以祭文王。玩詩意。重在得諸侯上。故首二節。言諸侯獨詳。蓋合萬國之歡心。以祀其先王者。天子之孝也。古義云。有字正與維字相應。便見非復大夫助祭意。言既祭者。維有肅之諸侯奔走將事。是以上祭之天子進退。

周旋皆中禮節。穆然有文之可觀。○二節古義云。廣在云大也。按橫量曰廣。博碩肥膾之謂也。肆祀鄭箋云。陳祭祀之饌。疏義云。對辟公言則曰天子。對皇考言則曰孝子。卿嬖云。薦廣壯助祭中。抽出一事言。正是肅雖之意。所將者。此以冀祖考來享。而曰饒予孝子。謂今幸得以天下孝其親。必親心受此天下養。狀後心安也。

### 宣哲維人二節

古義云。上二章美諸侯之來助祭。此則追述其舊功。而重贊美也。卿嬖云。宣以心之虛言。哲以心之靈言。文以微柔言。武以剛健言。宣哲便是維人。文武便是維后。燕及皇天。及字內。

有安民意。蓋天以安民為心。民安則天心安。曹氏曰：燕及皇天，則陰陽和而風雨時，日月光而星辰津，無錯行妄動之變。輔氏曰：天之佑君者，莫大於予以賢子孫，是以熊燕及於天，則能昌我後嗣也。朱氏曰：莫強於人，而文王之宣哲，有以盡人之道，莫顯於德，而文王之文武，有以備君之德。其道德之效，下有以安乎人，上有以及乎天，遠有以昌厥後，則文王之所被者廣矣。○末節，卿嬖云：綏我介我，蒙昌後直下，眉壽自末年受命言繁祉，自貴為天子，富有四海言，作已狀看，右尊以天子禮樂，打轉諸侯助祭意，文母只帶言，觀亦字可見。周禮春官，大祝掌九摎，以享右祭祀。

後語。朱子曰：徹祭畢而收其俎也。天子宗廟之祭，則歌雍以徹。鄭氏曰：學士國士也。黃佑云：此詩但為武王祭文王而徹俎之詩，而後通用於他廟耳。

○載見辟王全章

古義。鶴當依說，通作瑤，玉聲也。儻革，纏搯其上者，以金為之，謂之金厄。其聲所觸，示往，能如玉之鳴也。卿嬖云：厥章是禮樂刑政之屬，自昭考時已須為世守，茲持其甲求之耳。龍旂和鈴，儻革，有以君賜輝上國意，故曰烈光。○二節，古義云：以者，承上之辭。後故此詩，緝云：以致其孝敬，以行其獻享。卿嬖云：享亦孝中事耳。朱子曰：武王謂文王為穆考，成王稱

武王為昭考則自其始禘而然蓋但以其為昭穆而不以昭穆為尊卑也○末節疏義云永言保之只是長有之意以介眉壽則長有多祐矣坤爻云多祐不外富貴綏以句本和敬以相祀說說約云上三句言祭而獲福而下三句歸切於所以致之由純嘏即多祐變文成章耳古義云大福難保曰俾緝熙于純嘏言大嘏不易也

○有客有客全章

一說古義云按微子名啓紂同母庶兄也當殷之世封于微而爵為子微蓋殷畿內國名及武王克商改封微子于宋樂誌所謂未及下車而授殷之後于宋是也其時武庚尚在故

不得為殷後及武庚叛成王誅之而湯祀斬矣於是即微子始封之宋國進爵上公命為殷後以主湯祀史記世家言周公既承王命誅武庚乃命微子代殷後奉其先祀作微子之命以申之是也孔疏云客止一人而重言之是丁寧殊異以尊大之也舊說鄭箋云亦亦武庚也疑問云馬亦從白則其他禮物之仍舊又可知矣蔡氏曰修其典禮文物不使廢壞以備一代之法也孔疏云敦琢是治玉之名人而言敦琢故為選擇明尊其所往故擇其卿大夫之賢者與之朝王坤爻云不必將儀與馬與旅分作三件亦不宜以所乘之馬對從之人只從馬閑下落到上見無非可愛為得○二節馬氏

曰譙郡張氏曰宿者凡一宿再也信者凡再宿者再也  
古義云言者發語辭說約云言授二句商量擬之詞非已  
然之事○末節舊說毛傳云淫大威則也曹氏曰威等威也  
王氏曰既有淫威則所享宜盛大故降福孔夷也劉氏曰有  
德而神降之福故以降福終焉一說說約云按已追之又綏  
之是兩項然俱非實事末二句說通云言可留之意而不言  
客之可留言外之旨長矣卿孃云典秩不居于侯常便是淫  
威便是福此推言平日待之如此以庶幾其一留非自多其  
所與也

○於皇武王全章一武

卿孃云於皇句所起無競維烈渾含安民意尚說不出言  
克開只以起下武王能受之耳受之乃武王嗣文王之後而  
受其所傳之緒也過劉有示天下不復用意正武之所以通  
文之窮而定無競之功矣詩緝云所以歸重武王之功明非  
武王之武無以成文王之文也朱氏曰於勝殷以見其伐暴  
之義於過劉以見其止殺之仁之義之師王者之師也此大  
功之所由定而大業之所由成也

後語 濮氏曰左傳宣十六年楚王以此詩為大武之首章  
賡為第三章桓為第六章然周頌皆一章而已無疊事也或  
者後世取而用之於其傳不可知也禮明堂傳文一說古義

此詩維烈分為二章而去舊只作一章七句按在傳引者定爾功一語為武之卒章故知當分二章也朱子誤引傳以此為大武之首章今考傳文乃卒字非首字又云但是武詩一篇之卒章而非大武全樂之卒章又云按周禮言舞大武意者大武之舞已作于武王之世持其詩未備及周公時乃始成之耳

○閔予小子全章

卿嬖云開口說箇閔字含許多悽愴可憫在下二句此三句就有懼繼序之未能意古義云言遭逢此時我家父子不為造物所成就大統文集武王遽崩使我渺小之身失所依怙

正在憂痛之中未知彼濟也卿嬖云永世克孝以續緒繼述言不言己念皇考但追想皇考生平正念之真切處匡衡語出成帝時上疏輔氏曰周至成王之時可謂成矣而曰遭家不造者王業雖成天下雖治而成王之心常若未成未治也如此狀後能保其成匡衡可謂善說詩也○二節卿嬖云念茲二句連上文說正見其克孝虔念字最重陟降庭上即此念所呈露須知念不是懸空思想乃思慕其所行者而法之故常若見其形容與之相接也無時不念即無時不敬故遂以自己勉承之敬亦單是思念在繼志述事上說後漢書李固曰堯沒舜仰慕三年繼則見堯於牆會則見堯於羹楚詞

大招篇文劉氏曰集傳所引揖讓二字彼文正作穆則此或傳寫之誤也○末節卿嬖云於乎皇王只是仰嘆之詞序者王業相傳之次序也繼序思不忘謂我思繼此序而不敢以怠荒失墜之也惟所思如此則夙夜念皇考者自不容已矣  
後語 劉氏曰小序於四詩皆泛言嗣王故又疑其後為嗣王朝廟通用之樂歌矣

○訪予落止全章

古義云止語已辭也時之言是也艾猶盡也○卿嬖云道之圖厥終者在圖厥始故訪落以率時昭考之道未有艾本悠哉來將予二句以工夫未歸一言維予二句又言道不容不求也多難就天命初集人心初附上說紹字應上率字貫下二句紹庭是法其治國之道陟降是法其齊家之道身既保明則可以保家國矣王氏曰保安則無危忘之憂明顯則無昏塞之患胡氏曰自繼猶判渙而上猶言皇々如有求而弗獲之意自維予小子而下則煮蒿愴悽如或見之也誦其詩想其形容成王之思慕皇考爰繼爰述何其微婉懇切反覆曲盡有無窮之嘆詠也哉

○敬之敬之全章

卿嬖云首句重看就人君心學說不可認作敬天古義引真



朱曰重言以求其聽也。无維二句。猶天命以箴動之。正見所以當敬也。命者有天下之命也。卿嬖云。顯思只是分別善惡。未說到禍福。不易句。便有禍福意。說文云。監臨下也。卿嬖云。陟降猶言上下察也。日監即是無時不狀意。茲字。打轉承上說。此二句正說天道之顯。以見命之不易處。○末節朱子曰。就成也。鄭箋云。時是也。仔肩任也。孔疏云。二字共義。古義引顏師古云。君子以目視物。以物示人。同作視字。後世作字異。目示物。以示傍見。以人物示人。作單示字。德行謂德之見于行者。先王已狀之成迹。皆明德所流落。故曰德行也。卿嬖云。不聽以質言。日就且將。正是願學工夫。緝字。從日月推出來。照字。從就將說來。人之心體。原自光明。緝照適得其固狀而已。此光明之心。正堪與顯思日監之天對相。而又曰顯德行。則德之顯明而可行者。正以光明之本體。未易臻。須要從此顯處遵行之。則就將緝照。方不是弄虛頭話。又云。全旨總以敬字為主。而歸末二句上見。非敬無以祈天永命。而非臣無以輔弼之也。

○予其懲全章

小凌

毛傳云。桃蟲。鷦也。鳥之始小。終大者。雉氏。易林云。桃蟲生鷦。爾雅。桃蟲。鷦。其雌。鳩。郭注云。鷦。鷽。桃蟲也。俗呼為巧婦。陸疏云。今鷽。鷽是也。微小於黃雀。其雛化而為鷽。故俗語鷽鷽。姓。

鷓鴣雅引說苑曰鷓鴣於葦苕繫之以髮鳩性拙鷓性巧故  
鷓俗呼巧婦一名工雀一名女匠其喙尖利如錐取茅秀為  
巢至精密以麻紮之如刺鞞然故又名鞞雀方書云自關  
而東謂之工爵或謂之過羸或謂之女鷓幽人或謂之鷓鴣  
自關而西謂之桑飛或謂之鞞雀李時珍曰鷓鴣處有之  
生蒿菜之間居藩籬之上狀似黃雀而小灰色有斑聲如吹  
噓喙如利錐取茅葦毛毳為巢大如雞卵而繫之似麻髮至  
為精密懸樹上或一房二房故曰巢林不過一枝每食不過  
數粒小人畜馴教其作戲也又爾雅鷓鴣訓葦郭注云好部  
葦皮食其中蟲因名云江東呼蘆虎似雀青斑長尾李時珍  
曰鷓鴣似雀而青灰斑色長尾好食葦蠹亦鷓類也鉅按源  
氏和名鷓鴣訓沙雜幾巧婦訓太句密毒利然其引兼名茲  
注以蘆虎為巧婦非是今呼為鷓鴣者形狀近時珍說但其  
色赤褐而黑斷斑巢墻石間蓋其作懸巢者為巧婦是鷓鴣  
一種未審其形色所謂蘆虎據郭李說則似今吉吊共鷓鴣  
迥異非巧婦也舊說鄭箋云集會也柳塘云集有萃聚之義  
古義云集者栖止之義鉅按三說古義近是○柳塘云懲凌  
不平知所懲即是謹後患玩本文而字可見成王不忍直斥  
管蔡故借蜂鳥為詞以寓痛切之意宜作賦體莫作喻說作  
文只在蜂鳥上發揮管蔡事勿露出莫字三字貫下即上懲

恣意莽蜂輕使之過信蟲輕信之過世皆謀于前者多進從指王室新建天命人心未固言蓼指禍患言未字又字緊相呼應見防之而不勝防也一說古義云蓼以喻武王之喪也說約云按無上事而曰予其懲其字蓋有指也不必依註入何以且予其懲與恣後患自是兩句不可作一讓下莫予莫字頗多解大意言無人使蜂螫乃我自取辛螫也○字彙云冲幼小也

後語 劉氏曰謹之於小者即謹之於始也即所謂訪落之意也名篇者特於恣字上加一小字其意深矣

○載芟載柞首二節

首句講意云將耕先芟除其草木通解云柞其木子非柞大木也曰芟曰柞每歲春耕皆如此釋文云澤音釋郭云言土解也○二節首句劉氏曰以下文之次序觀之恐此句未遽說耘苗也故曹氏以為反土之後草木根株有芟柞不盡者則復耘之也卿蠖云千耦遍于隰畛示見無曠土意首言耕之善而未及人力之齊次言耘之齊而未及耘治之善故下遂申言之

侯主侯伯節

卿蠖云此申言耕之事以見人力之齊首三句有內外協力意有噴政映六者之衆而又以起下婦士句思媚二句交相

勸勉惟勞氣家亦見太平光景有略一句無一人不力矣。蓋是耕中事不平者。此總是言春耕見男女長幼盡力于耕。如此則草木之荒穢宜乎無不治之矣。其首節意應曹氏曰。做載南畝則將種矣。古義引陳春藻云。人情莫不樂其群。主伯亞旅皆在焉。均勞又聚語也。人情莫不樂所暱。婦女自饒氣體為羸。又相慰藉也。季本云。一家親愛同力一心。農夫之所以有年者。蓋本於此。周禮遂人注云。民有餘力。復予之田。有力之民。可任用也。既田民也。

播厥百穀三節

曹氏曰。百穀之性各有所宜。而水旱豐凶不可預料。故悉種之。所以為備也。鄭箋云。實種子也。○婦孺云。此申言耘之事。播百穀。承做載來。涵活者。生意萌于中。其達者。生意暢于外。苗禾同時而生。則驛。狀有連續之義。或先時而長。則又厭。然有傑出之形。至厭。則受氣皆足。而耘稍不密。或以傷苗。所以必欲綿。其庶耳。訓詳密者。詳則無苗不耘。密則無耘不到。只重此一句。

載獲三節

婦孺云。載獲三句。連上耕耘看。獲與積。勿對萬億及秣。所積之數。欽按此下兩節。積實祭祀燕享等。主公家說。而兼民間。如豐年篇。○有飴節。毛傳云。椒猶飴也。婦孺云。共承酒醴。來

之美亦帖云以大有之年設燕享之禮自是豐年之嘉會此  
便是邦家光顯處若凶荒殺禮氣象蕭然何光之有輯錄云  
酒扶高年養疾病○匪且節婦孺云首二句雖農事豐年分  
貼却是一套事重匪今斯今遭以起振古茲字重豐年上言  
由來之遠見報賽不容已也  
後語疏義云朱子初本此下有下章放此一句張叔翹說  
見下篇一說胡氏曰此皆田家勤勞安逸之事而非告神之  
樂歌也豈共七月楚次信彼南山甫田大田等詩同一歌詠  
其事以寓其鼓舞神化之道而堅其樂事赴功之心也耶

○夏、良耜首二節

婦孺云此言春耕之事夏、訓嚴利謂嚴整而鋤利也耕甲  
倣載先時而器悉備故臨時而耕之早既耕而播苗皆生則  
可以事于耘

或來瞻女三節

欽按或來鄭箋作有來載字無訓蓋示則也一說古義云載  
猶運也輯錄云饗與餉同自家之野謂之餉毛傳云筮所以  
禦暑雨也古義云經有三茶一曰苦菜谷風采爾雅所謂茶  
苦菜者也一曰英茶出其東爾雅所謂葉茶者也一曰委  
葉爾雅所謂蔞委葉者也據爾雅注引此詩以解委葉故唐  
孔氏以此茶為委葉也狀委葉之形狀注疏無文但指為蔞

草耳愚攻蕭雅所謂委葉者字乃作藻又別條有藻虎杖之  
目疏引陶注本草云此物田野甚多狀如大馬蓼莖斑而葉  
圓因悟此詩以荼蓼並言當是其形狀相近而朱子亦云  
二者蓋相脗合狀則此荼之為虎杖明矣○卿嬾云此三節  
言夏耘之事古義云或載筐或載筥見耕者之多故饁者衆  
也鄭箋云豐年之時雖賤者猶黍卿嬾云其筥二句只是形  
容耘苗之狀不重質儉意此二節言婦子服事于饁農夫服  
事于耘見萃家力農意朽止二句乃耘後事見耘有益于苗  
也不平看黍稷句却本草朽土熟來說約云按土熟坊本多  
作土熟誤木帖引月令季夏土潤溽暑大雨時行燒薶行水

利以殺草如以熟湯可以糞田疇美土疆是其證也  
獲之極：二節

毛傳云墉城也卿嬾云此是秋成之事上節言收入之多下  
節言士女之安如墉自堆起言如櫛自堆數言總是狀其積  
于場者高且密也鄭箋云百室一族也其已治之則百家開  
戶納之孔疏云百室於六鄉則一族於六遂則一鄣五家為  
為里四里為鄣以鄉尊於遂故萃鄉言古義云婦子謂耕者之妻共  
子也萬尚烈云方春在田邑室皆開田事既畢則邑中之百  
室皆開以其所獲所積者皆入之于室也卿嬾云盈止儲積  
皆富俯仰有賴寧止就豐年家給人足大氣象講鄭箋云百

室者出必共洫間而耕入必共族中而居又有祭酺合醴之  
歡蘓氏曰夫詩之可以興者所以感發人之善志也先言勤  
勞後言逸樂使勤者可以自忘其勞而怠者亦知以自奮也  
殺時犉牡節

卿瓊云此總承上七節正奉報賽之典以答神休似者踐其  
迹而不違續者繼其統而不絕續古之人不重祭統垂遠只  
重自古有年見今日之祭不吝不奉張叔翹曰此詩所言祭  
祀小序以春報社稷朱子初本以為宗廟樂歌此注但言續  
先祖以奉祭不明言其何祭也而載芟篇題之下則云此詩  
與豐年相似其用應亦不殊下篇做此蓋改本也從此則亦

秋冬報祭之樂歌矣

○絲衣其紵全章

孔疏云爵弁之服玄衣纁裳皆絲為之故曰絲衣雜記云士  
弁而祭於公冠而祭於己曹氏曰餘皆用布惟爵弁服用絲  
大夫以上祭服謂之冕士祭服謂之弁孔疏云俅人貌故  
為恭順貌也劉氏曰門側之堂謂之塾蓋門之內外夾其東  
西皆有塾一門凡四塾外兩塾南向內兩塾北向謂之堂則  
宜有基矣爾雅鼎園弁上謂之鳥注云欽上而小口者○卿  
瓊云此言助祭者始終一于敬而獲福也重主祭說不可共  
飲酒對看讀詩柶亦祭而飲酒句便知亦字對烈文詩看

按此詩小序云。繹賓尸也。鄭箋據士廟祭。影說繹儀。而集傳從之。舊序以暈年為秋冬報祭。絲衣為繹祭。朱子初於辨說。皆以為誤。而集傳亦並從序說。則是改本也。狀則此注所謂祭者。分明是繹祭矣。卿壞云。首二句。只言服此之人耳。不重衣冠上。自堂句。言省器。自羊句。言省牲。魚鼈句。言省蠶。是將祭而行禮有序也。特牲禮皆兕觥二句。方祭而獻酬。飲酒有儀也。壺濯邊豆在堂。故曰降牲。其鼎在門外。故曰反兕觥。二句。即是飲酒。蓋受祚之後。主人共賓飲。而士亦與焉者也。不吳。就言語說。不教。就威儀說。此正見其敬。無有間處。故神格之。而錫福。通解云。壺貯酒。濯供盥。下濯具濯字。又別。孔疏云。

基是門塾之基。謂廟門外西夾之堂基也。疏義云。壺及籩豆之類。告濯。几席不洗者。告具而已。充猶肥也。又云。頌無飲酒之詩。而儀禮特牲祭之前夕。視濯視牲。厥明乃祭。賓三獻尸之後。主人遂獻賓。及宗人。宗人即前視濯視牲者。此諸侯士之祭也。王者正祭皆宗伯掌之。豈天子宗廟之祭。則以烈豆獻。頭相以絲衣。獻視濯視牲者。共此。若可以類推矣。按此亦以西詩共為宗廟之說也。狀意者。繹祭亦可類推耳。

○於鑠王師全章

酌

卿壞云。於樂以氣。焰言甘義云。王師武王伐商之衆也。八百諸侯皆已從周。討所有者。維畿內耳。亦帖云。遵謂守而不動。



養謂蓄而未發。遵養非觀，變守臣節也。用介非幸災，順天時也。卿孺云：須知遵養令不着意，使時當終晦，則師亦終不用矣。用介正用此於鏖之王師，蹻之蒙大介來曰：造者見此功，自他創造起來的，惟其蹻之，則後人受之者，榮光莫加矣。故曰：受寵有嗣蒙王造來，輔氏曰：不先時而動，不後時而靡，君之用武也能如是，亦武王而已。一說：卿孺云：歸者師其時行時止也。武王事何可輕法，而時中之理，與時行止便是善法處。凡國君子民皆是。

後語：兼氏曰：方其不可而遵養時晦，見其可而後為之，此所以為酌也。嚴氏曰：初則遵養，終則蹻之，酌其時措之宜也。

○祭統云：舞莫重於武宿夜。疏云：武宿夜是武曲之名。臯氏曰：師說書傳云：武王伐紂，至於商郊，停止宿夜，士卒皆勸樂歌舞以待旦，因名焉。熊氏曰：此即大武之樂也。

○綏萬邦全章

桓

卿孺云：綏萬邦二句是伐商時事，用兵而曰綏，而及萬邦則人心和于下，天心應于上，所以不凶而豐，而且屢也。即此便是天命，狀亦是承上起下之詞。匪解謂不止命之伐，暴安民而尚欲其用賢圖治意。桓是呼過之詞，保有五句一直說下，保有是愛護而信任之，以全收其用意。古義云：厥土謂皆與武王共定天下者。卿孺云：予以四方所謂列爵分土。

也。厥家自四方言定厥家，正使萬邦未綏之意，於昭于天，其天命匪解相應。蓋天方欲命其如此致治，而一遂能靈承之，質之天為無負也。鄭箋云：皇，君也。○注大軍之後，必有凶年，出老子傳文。出左傳僖公十九年，衛甯莊子語。後語：春秋傳說見武篇，鄭箋云：類也。禡也。師祭也。孔疏云：講武是軍衆初出，在國治兵也。類則於內祭天，禡則在於所征之地。

○文王既勤全章 賚

卿嬖云：通篇是代武王說意中事，勤勞指求寧言，應訓當是適當其後意思，受而有之，受其勤勞之餘，烈而有天下也。求定是文王勤勞遺意，孔疏云：往行天下，以天下之定，王氏曰：大賚善人，封建以為諸侯，共其天下，則所以求天下之定也。疑問云：我與共往，維求天下之安定。卿嬖云：時周之命止承二我字言，再一提醒，以儆惕諸臣，見非復商之濫及無功也。於繹思有勉之效，職意在惟可繹思者在。文王則當繹思者在諸臣矣。語意正相呼應。輔氏曰：大封功臣於廟而歌此詩，其言只止於此，而不及車服錫予之物，蓋以是為重而不以物為重也。

後語：卿嬖云：周大賚，故詩以之名篇。於皇時周全章 般

古義云陟其高燔柴以祭也郊特牲云天子適四方先祭  
禮器云因名山升中于天陳注云中者乎也巡守而祭方岳  
之下必因此有名之大山升進此方諸侯治功平成是事以  
告于天也○卿燮云此美周王時巡之典而嘆其為一代維  
新之命巡守重朝會不與祭告乎蓋因朝會而祭告也陞山  
喬嶽正是高山此特祭一岳下允猶翁河不重河乃由翁順  
之河以周四岳耳此雖祭告當入朝會在內則下面敷天衷  
對處方有着落敷天之下莫不相望我周新政故聚而朝之  
方岳如修五禮輯五瑞協時月同律度皆答天下仰望之心  
而與之以更始不止慶賀黜陟也再言時周見今列國會以  
布此法今于方內皆周之新命非商之舊命此令人有酒狀  
易志知所遵守意黃氏曰得天下必告于名山大川禮也辨  
受天下於堯猶必望于山川而祭群神受命之始不得亦狀  
也而况武王革命之主乎故此詩首末皆言是周之命也  
後語曹氏曰般所盤旋之義巡守而徧乎四嶽所謂盤旋  
也一說兼味曰般遊也

人

Faint vertical text columns, likely bleed-through from the reverse side of the page.

Blank page with visible paper texture, minor stains, and a large ink blot at the bottom.

早稲田大学図書館

011888005252